

Arkiv: <arkivID><jpID> FE-
121, TI-&13
JournalpostID:
Sakshandsamar:
Dato: 04.03.2022

Saksframlegg

Saksnr.	Utval	Møtedato
011/22	Eldreråd	21.03.2022
014/22	Råd for menneske med nedsett funksjonsevne	21.03.2022
014/22	Utval for helse og omsorg	22.03.2022

Høyring- Innspel til ny utviklingsplan for Haraldsplass diakonale sykehus 2022 -2035

Kommunedirektøren sitt framlegg til vedtak:

Saka vert lagt fram utan innstilling

Eldreråd 21.03.2022:

Handsaming:

Leni Dale-kommunalsjef helse og omsorg orienterte i saka.

Det vart sett fram følgjande fellesframlegg i møtet:

Eldrerådet tar utviklingsplanen for Haraldsplass Diakonale sjukehus til orientering.

Samtidig vil eldrerådet peike på den betydelege auken i talet eldre som sjukehuset forventar i sitt nedslagsområde i planperioden, med lengre liggetid for eldre pasientar. Rådet finn ikkje igjen i utviklingsplanen korleis behovet for auka kapasitet skal dekkast, og etterlyser forslag til korleis sjukehuset ser for seg å løysa denne utfordringa.

Eldrerådet vedtok samråystes fellesframlegget.

ER- 011/22 Vedtak:

Eldrerådet kjem med følgjande uttale:

Eldrerådet tar utviklingsplanen for Haraldsplass Diakonale sjukehus til orientering.

Samtidig vil eldrerådet peike på den betydelege auken i talet eldre som sjukehuset forventar i sitt nedslagsområde i planperioden, med lengre liggetid for eldre pasientar. Rådet finn ikkje igjen i utviklingsplanen korleis behovet for auka kapasitet skal dekkast, og etterlyser forslag til korleis sjukehuset ser for seg å løysa denne utfordringa.

Råd for menneske med nedsett funksjonsevne 21.03.2022:

Handsaming:

Orientering til saka v/Leni Dale-kommunalsjef Helse og omsorg

Saka vert teke til orientering, samråystes.

RMNF- 014/22 Vedtak:

Saka vert teke til orientering.

Utval for helse og omsorg 22.03.2022:

Handsaming:

Leni Dale-kommunalsjef for helse og omsorg orienterte i saka.

Det vart sett fram følgjande felles framlegg til vedtak:

Høyringsuttale frå utval for helse og omsorg:

HO viser til vedtak i RMNF- 014/22 og Eldrerådet 21.03.2022 og sluttar seg til dei.

Utvælet ønsker at strategien også skal ta opp i seg følgjande:

- *Strategi for å setje ut tenester som er moglege for å redusere reise inn til sjukehuset må innarbeidast. Ein må spesielt sjå på moglegheitene for spesialisthelsetenester til å flytta ut polikliniske tenester. Helsehuset i Nordhordland må vurderast som lokalitet.*
- *Strategien må innehalde løysingar for utfordingane med auka andel eldre pasientar med samansette lidingar og lengre sjukehus-opphald.*
- *Kommunane må vere involvert tidlegare i utarbeiding av samhandling utover strategiske grep.*

Utvælet vedtok samråystes framlegg sett fram i møte.

HO- 014/22 Vedtak:

Høyringsuttale frå utval for helse og omsorg:

HO viser til vedtak i RMNF- 014/22 og Eldrerådet 21.03.2022 og sluttar seg til dei.

Utvælet ønsker at strategien også skal ta opp i seg følgjande:

- *Strategi for å setje ut tenester som er moglege for å redusere reise inn til sjukehuset må innarbeidast. Ein må spesielt sjå på moglegheitene for spesialisthelsetenester til å flytta ut polikliniske tenester. Helsehuset i Nordhordland må vurderast som lokalitet.*
- *Strategien må innehalde løysingar for utfordingane med auka andel eldre pasientar med samansette lidingar og lengre sjukehus-opphald.*
- *Kommunane må vere involvert tidlegare i utarbeiding av samhandling utover strategiske grep.*

Politisk handsaming

Saka skal til uttale i eldreråd og råd for menneske med nedsett funksjonsevne

Saka skal avgjerast i utval for helse og omsorg.

Bakgrunn

Haraldsplass Diakonale sjukehus har sendt ut invitasjon til samarbeidspartar om å kome med innspel til utviklingsplan for 2022 -2035.

Dei skriv følgande:

Alle sykehuse i Helse Vest, inkludert privat ideelle, har fått i sine bestillinger at det skal utarbeides utviklingsplaner innen første kvartal 2022. Disse vil være viktige innspill til regional utviklingsplan, og til den nye nasjonale Helse- og samhandlingsplanen regjeringen skal legge frem i 2023.

Haraldsplass Diakonale sykehus sin utviklingsplan skal svare på hvordan vi skal utvikle oss frem mot 2035.


Utviklingsplanen skal sette den overordnede retningen og vise hvordan vi kan fornye og forbedre oss fremover. Vårt mål er å gi pasientene helhetlig og riktig behandling. Våre pasienter skal merke at våre medarbeidere har høy kompetanse, med hjertevarme og respekt for hver enkelt pasient.

En stor utfording fram mot 2035 er økt andel eldre i befolkningen som gir flere pasienter med sammensatte lidelser. Demografiendringer, kombinert med sannsynlig stor etterspørsel etter helsepersonell og et mindre økonomisk handlingsrom, gjør at det er viktig å fornye sykehusdriften kontinuerlig. Vi vil fortsette å digitalisere manuelle prosesser, og konstant endre oss for å bruke våre ressurser best mulig til nytte for pasientene.


Befolkingssammensetning, mangel på riktig helsepersonell, sykdomsutvikling i befolkningen med flere multisike og endret oppgavedeling mellom spesialisthelsetjeneste og primærhelsetjeneste, er viktige faktorer også må tas hensyn til i planleggingen av sykehusdriften frem mot 2035. I tillegg planlegger vi for eksterne kriser som en ny og annerledes pandemi, eller store endringer som kan følge av klimaendringer.

Vi har definert fire strategiske satsingsområder for sykehusets pasienttilbud (se illustrasjon under), med tilhørende seks prioriterte innsatsområder som skal bidra til å utvikle og løse utfordingene i de ulike

satsingsområdene:



Våre strategiske satsningsområder



Saksopplysningar:

Planen er handsama i sjukehusstyret som eit utkast, men dei ønskjer å få gode innspel for at den skal bli endå betre, og treffe dei utfordringane også samarbeidspartane ser. Planen er heildigital, og kan sjåast på Haraldsplass si eigen nettside: <https://www.haraldsplass.no/om-haraldsplass/om-haraldsplass/utviklingsplan-2022-2035>

Det vert gjennomgang av planen i møtet for innspel som kan meldast tilbake til Haraldsplass diakonale sjukehus.